

# CONCELLO DE XOVE

## ACTA DA SESIÓN EXTRAORDINARIA, CELEBRADA POLO PLENO DO CONCELLO O DÍA 18 DE XUÑO DE 2015.

### ASISTENTES:

#### **Alcalde-Presidente:**

D. José Demetrio Salgueiro Rapa

#### **Concelleiros:**

D<sup>a</sup> Ana María Abad López

D<sup>a</sup> María Dolores Meitin Guerreiro

D<sup>a</sup> Cristina Iglesias Guerreiro

D. José Manuel Balseiro Canoura

D<sup>a</sup> M<sup>a</sup> Rosario Balseiro López

D. Manuel Angel Meitin Rouco

D. Marco López López ( quen se incorporou á sesión sendo as 10'15 horas )

D. José Manuel López Hermida

D<sup>a</sup>.María Luisa Pernas Quelle.

### CONCELLEIROS AUSENTES:

D. Manuel Angel Meitin Rouco

D. Carlos Fernández Louzao

#### **Secretario:**

D. Luís María Fernández del Olmo

#### **Interventora:**

D<sup>a</sup> Elena Santos Rey

Na Casa Consistorial do Concello de Xove, sendo as dez horas do día dezoito de xuño de dous mil quince, baixo a presidencia do Sr. Alcalde-Presidente, D. José Demetrio Salgueiro Rapa, e coa asistencia dos señores Concelleiros á marxe relacionados e do Secretario D. Luís María Fernández del Olmo, procedeuse a celebra-la sesión ordinaria convocada para a hora e día da data.

Sendo a hora sinalada, polo Sr. Alcalde-Presidente, declarouse aberta a sesión, procedéndose ó debate e votación dos asuntos incluídos na orde do día.

### 1º) APROBACIÓN DA ACTA DA SESIÓN PLENARIA ANTERIOR DE 13 DE XUÑO DE 2015.- ADOPCIÓN DE ACORDO.

Seguidamente, polo Sr. Alcalde-Presidente, preguntouse ós asistentes se tiñan algunha obxección que formular ó borrador da acta da sesión plenaria de data 13 de xuño de 2015.

Non habendo obxeccións, o Concello Pleno por unanimidade dos seus membros asistentes á sesión acorda aproba-lo borrador da acta da sesión plenaria de data 13 de xuño de 2015.

### 2º) PERIODICIDADE DAS SESIÓNS ORDINARIAS DO PLENO CORPORATIVO. ADOPCIÓN DE ACORDO.

Por Secretaría, dáse conta da proposta da

Alcaldía que se transcribe literalmente:  
*Pola Alcaldía-Presidencia deste Concello á vista do disposto no Art. 46. 1 e 2.a) da Lei 71985, do 2 de abril, Reguladora das Bases de Réxime Local,*

### **PROPÓNSE:**

1.- A fixación da periodicidade bimestral das sesións ordinarias do pleno municipal, celebrándose os segundos luns dos meses de febreiro, abril, xuño, agosto, outubro e decembro, ás 19 horas da tarde.

2.- Establece-la posibilidade de demora ou anticipo nunha semana da data de celebración das sesións ordinarias, se por causas debidamente xustificadas derivadas da ausencia da Alcaldía, da natureza dos asuntos a tratar, ou da coincidencia das datas con días festivos así resulte conveniente, e mantendo en todo caso o punto preceptivo de "Rogos e Preguntas" e de control dos órganos corporativos segundo a redacción dada ó apartado e) do art. 46.2 da Lei 7/1985 pola Lei 11/1999 de 21 de abril modificadora da mesma.

O concello pleno, por unanimidade dos seus membros asistentes á sesión acorda aproba-la proposta de alcaldía anteriormente transcrita.

*Neste intre sendo as 10'15 horas, coa autorización da Presidencia incorporase á sesión o concelleiro D. Marco López López.*

### **3º) CREACIÓN E COMPOSICIÓN DE COMISIONS INFORMATIVAS DE CARÁCTER PERMANENTE. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

**Pola Alcaldía-Presidencia deste Concello de conformidade co disposto no art. 127 do Regulamento de Organización, Funcionamento e Réxime Xurídico das Entidades Locais de 28 de novembro de 1986,**

#### **PROPÓNSE:**

*ó pleno a creación da Comisión Especial de Contas, que a tenor do apdo. 3º do artigo antedito poderá actuar como Comisión Informativa permanente para os asuntos relativos a Economía e Facenda do Concello de Xove.*

*A Comisión Especial de Contas, informará e emitirá ditame, en todo caso no expediente de aprobación da Conta Xeral do Presuposto Municipal; no expediente de aprobación do presuposto municipal para cada exercicio e nos expedientes de aprobación, modificación ou revocación das ordenanzas fiscais.*

*Igualmente se dará conta, durante o terceiro trimestre de cada ano, á Comisión Especial de Contas do informe sobre o estado de execución do orzamento municipal ó que se refiren os artigos 207 da Lei Reguladora das Facendas Locais, e 105 da Instrución de Contabilidade.*

*A composición da citada Comisión Especial de Contas, cuia presidencia corresponde ó Sr. Alcalde Presidente, será a seguinte:*

- *3 Vocais designados polo Grupo Municipal do Partido Popular (Os Sres. Concelleiros Dª Ana María Abad López, Dª María Dolores Meitin Guerreiro actuando como suplente Dª Cristina Iglesias Guerreiro*
- *2 Vocais designados polo Grupo Municipal do BNG.*

*Os efectos de constituí-la citada Comisión coa maior brevidade posible, o portavoz dos grupo municipal do BNG, deberá comunicar mediante escrito dirixido ó Secretario Municipal, o nome dos Concelleiros designados para formar parte da citada Comisión..*

*Aberto o debate, polo Sr. López López (BNG), manifestase que o seu grupo designa vocais da Comisión Informativa de Contas a D. Marco López López, e a D. Xosé Manuel López Hermida actuando como suplentes D. Carlos fernández Louzao e Dª. María Luísa Pernas Quelle.*

*Rematado o debate, a Corporación, por unanimidade dos seus membros asistentes á sesión, acorda crea-la Comisión Informativa Especial de Contas, coas funcións e integrantes relectos no corpo do presente acordo.*

### **4º) NOMEAMENTO DE REPRESENTANTES DA CORPORACIÓN EN ÓRGANOS COLEXIADOS. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

*Pola Alcaldía-Presidencia, de conformidade co disposto no Artigo 38 do R.D. 2568/1986 de 28 de novembro; do Regulamento de Organización, Funcionamento e Réxime Xurídico das Entidades Locais de 28 de novembro de 1986, proponse ó Concello Pleno o nomeamento das persoas que se sinalarán para os órganos colexiados que se mencionan:*

- *Consello Escolar do Colexio Público de Xove: Dª Dolores Meitin Guerreiro.*
- *Consello Escolar do IES de Xove : Dª Dolores Meitin Guerreiro.*

- *Mancomunidade de Concellos da Mariña Luguesa: D. José Demetrio Salgueiro Rapa e Dna. Cristina Iglesias Ferreiro.*
- *Asociación para o Desenvolvemento Turístico da Mariña Lucense: D<sup>a</sup> Cristina Iglesias Guerreiro.*

*Nos restantes órganos colexiados nos que deba estar representada a Corporación, dita representación será ostentada pola Alcaldía, de conformidade co art. 21.1.b da Lei 7/1985 Reguladora das Bases de Réxime Local.”*

O concello pleno, por unanimidade dos seus membros asistentes á sesión acorda aproba-la proposta de alcaldía anteriormente transcrita.

#### **5º) CREACIÓN DA XUNTA DE GOBERNO LOCAL E PERIODICIDADE DAS SESIÓNS ORDINARIAS. DAR CONTA.**

Por Secretaría, dáse conta da proposta da Alcaldía que se transcribe literalmente:

*Pola Alcaldía-Presidencia do Concello á vista do disposto no Art. 20 apdo. B) da Lei 7/85 Reguladora das Bases de Réxime Local de 2 de abril, no que se establece que a Xunta de Goberno Local existirá nos municipios con poboación de dereito inferior a 5.000 Habitantes, cando así o dispoña o seu regulamento orgánico ou o aprobe o Pleno do Concello, proponse ó Pleno Municipal:*

*A creación da Xunta de Goberno Local do Concello de Xove; dito órgano celebrará sesión ordinaria os segundos martes de cada mes, ás 10 horas.*

O concello pleno, por unanimidade dos seus membros asistentes á sesión acorda aproba-la proposta de alcaldía anteriormente transcrita.

#### **6º) RESOLUCIÓNS DA ALCALDÍA EN MATERIA DE NOMEAMENTO DE TENENTES DE ALCALDÍA, INTEGRANTES DA XUNTA DE GOBERNO LOCAL. DAR CONTA.**

Por Secretaría, dáse conta da resolución da Alcaldía que se transcribe literalmente:

*D. JOSE DEMETRIO SALGUEIRO RAPA, Alcalde Presidente do Concello de Xove*

*De conformidade co art. 52 do Regulamento de Organización, Funcionamento e Réxime Xurídico das Entidades Locais de 28 de novembro de 1986, désígnanse Tenentes de Alcalde e membros da Xunta de Goberno Local, presidida polo Sr. Alcalde, ós Sres. Concelleiros que seguidamente se relacionan:*

- *Dna. Ana María Abad López, 1º Tenente de Alcalde.*
- *Dna. María Dolores Meitin Guerreiro, 2º Tenente de Alcalde.*
- *Dna. Cristina Iglesias Guerreiro, 3ª Tenente de Alcalde.*

A Corporación Municipal dáse por enterada.

#### **7º) DELEGACIÓNS DE ATRIBUCIÓNS DE ALCALDÍA NA XUNTA DE GOBERNO LOCAL. DAR CONTA.**

Por Secretaría, dáse conta da resolución da Alcaldía que se transcribe literalmente:

*D. JOSE DEMETRIO SALGUEIRO RAPA, Alcalde Presidente do Concello de Xove*

*De conformidade co disposto no Art. 43.2. do Regulamento de Organización, Funcionamento e Réxime Xurídico das Entidades Locais de 28 de novembro de 1986, e coa excepción das atribucións a que se refiren os art. 21.3 da Lei 7/85 Reguladora das Bases de Réxime Local de 2 de abril, procédese a efectua-la delegación que se formalizará mediante decreto do mesmo día de celebración do pleno municipal; deléganse na Xunta de Goberno Local as atribucións seguintes:*

- *O otorgamento de licencias de obra maior, entendendo por tales aquelas nas que para o seu outorgamento sexa preceptivo a presentación de proxecto técnico de execución.*
- *A concesión de subvencións en aplicación das bases regulamentadoras que en cada caso sexan aprobadas por calquera outro órgano corporativo excluindo a concesión dos premios propostos polos correspondentes xurados dos concursos convocados por calquera outro órgano corporativo.*

*A Delegación de atribucións referida efectúase reservándose a Alcaldía a posibilidade expresa de avocación de calquera das atribucións delegadas por razóns de urxencia, dando conta neste caso á Xunta de Goberno Local, sen prexuízo no seu caso da publicación que proceda.*

*En calquera caso, quedan fora da presente delegación, aquelas competencias da Alcaldía expresamente reflectidas como tales nas bases de execución do presuposto municipal.*

*Sen prexuízo de todo isto, os acordos adoptados pola Xunta de Goberno Local, en relación coas materias delegadas terán o mesmo valor que as resolucións ditadas pola Alcaldía, en exercicio das atribucións que non delegara.*

*Así resolvo mándoo e asínoo en Xove a catorce xuño de dous mil quince.*

A Corporación Municipal dáse por enterada.

### **8º) PROPOSTA DE ALCALDÍA DE DELEGACIÓN DE COMPETENCIAS DO PLENO NA XUNTA DE GOBERNO LOCAL. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

*Por esta Alcaldía-Presidencia a tenor do disposto no art. 51.1 do Regulamento de Organización, Funcionamento e Réxime Xurídico das Corporacións Locais (Real Decreto 2.568/86 de 28 de novembro) e por razóns de axiliza-la administración ordinaria dos asuntos municipais proponse ó Pleno Municipal:*

*1º A delegación da totalidade das atribucións delegables do Pleno na Xunta de Goberno Local, a excepción das enumeradas como indelegables segundo o art 22.4 da Lei 7/85 Reguladora das Bases de Réxime Local de 2 de abril, na súa vixente redacción.*

*2º A delegación referida efectúase nos termos do réxime xeral establecido no regulamento antedito, abarcando tanto as facultades de dirección e xestión como a de resolución mediante actos e acordos administrativos que afecten a terceiros.”*

Aberto o debate, polo Sr. López López, manifestase que o seu grupo está en contra da perda de protagonismo do pleno corporativo que é o máximo órgano de representación municipal engadindo que no pleno de organización do mandato anterior celebrado no ano 2011 o Sr. Alcalde manifestou que a representación dos grupos de oposición no Concello de Ribadeo, donde o Alcalde do BNG ofertou ao PP non só non tocar as competencias de pleno senón a súa participación na Xunta de Goberno Local ; non era comparable co de Xove para xustifica-la súa postura.

Agora que a representación do BNG como grupo de oposición é o dobre non se sabe cal é a razón pola que o Sr. Alcalde segue a impedir a participación do BNG nos asuntos municipais.

Polo Sr. Alcalde manifestase que a experiencia destes últimos anos, amosou a necesidade de favorecer a axilidade da administración municipal, sendo necesario polo tanto, desligar da convocatoria formal dun pleno corporativo a toma de decisións de carácter ordinario ou de puro trámite administrativo. Polo Sr. Alcalde lembrese que os asuntos de importancia sempre se levaron e así se seguirá facendo ao debate de tódolos grupos no seo da Comisión de Portavoces.

Rematado o debate, a Corporación cos votos favorables dos Sres./Sras. Salgueiro Rapa, Abad López, Meitin Guerreiro, Iglesias Guerreiro, Balseiro Canoura e Balseiro López e o voto en contra dos Sres/Sras. López López, López Hermida e Pernas Quelle, acorda a aprobación da proposta da Alcaldía anteriormente transcrita.

## **9º) PROPOSTA DA ALCALDÍA SOBRE INDEMNIZACIÓNS POR CONCORRENCIA ÁS SESIÓNS DE ÓRGANOS COLEXIADOS MUNICIPAIS E RÉXIME E CONTÍA DE DIETAS E GASTOS DE KILOMETRAXE. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

*De conformidade co disposto no art. 13.6 do Regulamento de Organización, Funcionamento e Réxime Xurídico das Entidades Locais de 28 de novembro de 1986, relativa ás indemnizacións pola concorrencia efectiva ás sesións de órganos colexiados de que formen parte, propónse ao Concello Pleno a aprobación das indemnización e contías seguintes:*

*a) Indemnizacións por concorrencia a sesións de órganos colexiados:*

- *Comisións informativas: 30 € por sesión.*
- *Xunta de Goberno Local : 70 € por sesión.*
- *Sesións de Pleno Municipal: 80 € por sesión.*

*Conforme o disposto no art. 75. 3 da Lei 7/1985, do 2 de abril os membros da Corporación que teñan recoñecida polo Concello Pleno dedicación exclusiva ou parcial, con percepción de retribucións, non terán dereito ó cobro das indemnizacións referenciadas.*

*Igualmente conforme ao disposto na Base de Execución do orzamento municipal 39, letra C, cando teña lugar a asistencia a máis de unha sesión de órgano colexiado no mesmo día, somentes se abonará o correspondente á indemnización pola asistencia a unha única sesión (a de maior contía de indemnización).*

*b) Indemnizacións por razóns de servizo: Serán de aplicación as reflectidas no R.D. 462/2002 de 24 de maio, correspondente ao Grupo I, actualizándose automaticamente na medida e contía en que sexa modificado o citado R.D. 462/2002 de 24 de maio,.*

*Polo que se refire á xustificación dos gastos efectivamente realizados igualmente será de aplicación o previsto na Bases de Execución presupostaria 53 do vixente orzamento municipal*

O Concello Pleno por unanimidade dos seus membros asistentes á sesión, acorda aproba-la proposta de Alcaldía anteriormente transcrita.

## **10º) PROPOSTA DA ALCALDÍA SOBRE DESEMPEÑO CON DEDICACIÓN EXCLUSIVA DO CARGO DO ALCALDE-PRESIDENTE, E DETERMINACIÓN DE RETRIBUCIÓNS. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

*De conformidade co disposto no art. 13.3 e 4 do Regulamento de Organización, Funcionamento e Réxime Xurídico das Entidades Locais de 28 de novembro de 1986, proponse ó Pleno Municipal que o desempeño do cargo da Alcaldía, se desempeñe en réxime de dedicación exclusiva, cunhas retribucións anuais de 14 pagas de 2.857'14 € brutos, trienios de antigüidade excluídos, (ditas pagas devengaránse mensualmente, correspondendo ós meses de xullo e decembro o abono das pagas extraordinarias); a contía das retribucións propostas axustáanse ao disposto na Disposición Adicional 90 da Lei 22/2013, de 13 de decembro, sen prexuízo do abono da cantidade que proceda en concepto de antigüidade pola miña condición de persoal laboral fixo do Concello de Burela.*

Obra no expediente certificación expedida polo Secretario Municipal acreditativa do cumprimento do disposto na Disposición Adicional 90 da Lei 22/2013, de 13 de decembro.

Aberto o debate, polo Sr. Alcalde manifestase que as retribucións propostas supoñen unha baixada de 14.000'00 €

Polo Sr. López Hermida (BNG) manifestase a súa intención de falar conxuntamente, verbo das 4 dedicacións (2 exclusivas e 2 parciais) que o goberno municipal do Partido Popular ten previsto para xestionar o Concello de Xove; deixando desde un principio totalmente claro o seu máximo respecto a nivel persoal de todos e cada un dos concelleiros integrantes da Corporación, e da súa capacidade e responsabilidade para o exercicio do cargo. Dito esto, o Sr. López Hermida manifesta que o BNG

considera totalmente excesivas as dedicacións que se propoñen, tendo en conta as características do Concello de Xove, como poden ser o seu número de habitantes e a plantilla de persoal de que dispón o Concello, e mesmo tendo en conta unha análise comparativa coa xestión de Concellos limítrofes ó de Xove. Neste sentido, o BNG considera que dúas dedicacións exclusivas son máis que suficientes para xestionar correctamente a administración municipal.

Polo Sr. Alcalde considerase que as comparacións entre concellos teñen que facerse non só atendendo ó número de habitantes senón á cantidade e calidade dos servizos que cada un dos concellos presta ós seus veciños, e neste sentido está fora de toda dúbida que os servizos, tanto en cantidade como en calidade que o Concello de Xove pon a dispor dos seus habitantes e moi superior á media dos servizos que ofertan outros concellos que o triplican en poboación.

Remata a súa intervención o Sr. Alcalde, sinalando que o control e coordinación de tódos eses servizos xustifican as dedicacións exclusivas e parciais, cúa aprobación se propón.

Rematado o debate, a Corporación por unanimidade dos seus membros asistentes á sesión acorda a aprobación da proposta da Alcaldía anteriormente transcrita.

### **11º) DELEGACIÓNS DE ALCALDÍA EN DIVERSAS ÁREAS DE SERVIZOS E XESTIÓNS MUNICIPAIS. DAR CONTA.**

Por Secretaría, dáse conta da proposta da Alcaldía que se transcribe literalmente:

*D. JOSE DEMETRIO SALGUEIRO RAPA, Alcalde Presidente do Concello de Xove*

*De conformidade co disposto no Art. 43 do Regulamento de Organización, Funcionamento e Réxime Xurídico, establécense as seguintes Delegacións por áreas de xestión e servizos municipais.*

- *Delegada de Servizos Sociais, Sanidade, Xuventude, Muller, e Políticas de Igualdade: A Concelleira e Primeiro Tenente de Alcalde, D<sup>a</sup> Ana Abad López.*
- *Delegada de Agricultura, Gandería, Montes, Educación e Cultura: A concelleira e Segundo Tenente de Alcalde, D<sup>a</sup> María Dolores Meitin Guerreiro.*
- *Delegada de Deportes, Turismo e Xuventude : A concelleira e Terceira Tenente de Alcaldía D<sup>a</sup> Cristina Iglesias Guerreiro.*
- *Delegado de Medio Ambiente, e Dinamización de parroquias: A D. José Manuel Balseiro Canoura.*
- *Delegado de Dinamización de parroquias: A D. Manuel Angel Meitin Rouco.*
- *Delegada de Dinamización de parroquias: A D<sup>a</sup> María Rosario Balseiro López.*

*As citadas delegacións, abranguen tanto á facultade de dirección como de xestión das áreas e servizos correspondentes, sen facultades de resolución mediante actos administrativos que afecten a terceiros.”*

*Así resolvo mandoo e asinoo en Xove a quince xuño de dous mil quince.*

A Corporación dáse por enterada.

### **12º) CONSTITUCIÓN DOS GRUPOS POLÍTICOS MUNICIPAIS, CON DESIGNACIÓN DE PORTAVOCES. DAR CONTA.**

Por Secretaría dase conta á Corporación dos escritos presentados por tódolos grupos políticos con representación na Corporación Municipal que a seguir se relacionan:

- Escrito presentado por D. José Demetrio Salgueiro Rapa ós efectos do disposto no Art. 24 do Real Decreto 2568/1986 de 28 de novembro, comunica a constitución do Grupo Municipal do Partido Popular (PP), integrado polos seguintes membros: D. José Demetrio Salgueiro Rapa, , D<sup>a</sup> Ana María Abad López, D. José Manuel Balseiro Canoura, D<sup>a</sup> María Dolores Meitin Guerreiro, D<sup>a</sup> Cristina Iglesias Guerreiro, D<sup>a</sup> María Rosario Balseiro López e D. Manuel Angel Meitin Rouco, actuando como voceiro titular do mesmo, Dna. Ana María Abad López, e como voceiro suplente, Dna. María Dolores Meitín Guerreiro.

- Escrito presentado por D. Marco López López, na representación do BNG na que comunica a constitución do Grupo Municipal do Bloque Nacionalista Galego (BNG), integrado polos concelleiros D. Marco López López e D. Xosé Manuel López Hermida, D. Carlos Fernández Louzao e Dna. María Luisa Pernas Quelle como voceiro titular do mesmo, D. Marco López López e como voceiros suplentes D. Xosé Manuel López Hermida, D. Carlos Fernández Louzao e Dna. María Luisa Pernas Quelle .

O Concello Pleno dáse por enterado.

### **13º) PROPOSTA DA ALCALDÍA SOBRE DOTACION ECONOMICA ÓS GRUPOS POLÍTICOS MUNICIPAIS. ADOPCION DE ACORDO.**

Por Secretaría, dáse conta da proposta da Alcaldía que se transcribe literalmente:

#### **Pola Alcaldía-Presidencia deste Concello**

*PROPÓNSE ó Pleno Municipal a adopción de acordo polo que:*

*a) Fixase unha dotación económica para Grupos Políticos da Corporación segundo o disposto no art. 73.3 da Lei 7/1985 de 2 de abril co seguinte desglose:*

- *1.-Compoñente fixo para cada grupo político: 150 € anuais.*
- *2.-Compoñente variable: 100 € ó mes por cada Concelleiro, é dicir, 1.200 € ó ano por cada concelleiro integrado no Grupo.*

*Tódolos Grupos Municipais deberán solicitar a obter da Axencia Tributaria, o correspondente CIFe deberán cumprir co disposto no citado art. 73.3 no que se refire aos gastos excluídos con cargo ás dotacións de referencia e no que se refire á contabilidade específica da xestión da dotación e á súa dispoñibilidade aos requirimentos que se é o caso efectúe o Concello Pleno.”*

A Corporación municipal cos votos favorables dos Sres./Sras. Salgueiro Rapa, Abad López, Meitin Guerreiro, Iglesias Guerreiro, Balseiro Canoura e Balseiro López e coa abstención dos Sres/Sras. López López, López Hermida e Pernas Quelle, acorda a aprobación da proposta da Alcaldía anteriormente transcrita.

### **14º.- PROPOSTA DE ALCALDÍA SOBRE A CREACIÓNS DA XUNTA DE PORTAVOCES. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

Por esta Alcaldía, á vista da existencia en anteriores mandatos da Comisión de Portavoces como órgano complementario municipal, e considerando convinte mantelo nas mesmas condicións , proponse :

- 1º) A creación como órgano complementario municipal de carácter informativo da Comisión de Portavoces dos Grupos Municipais que integran a Corporación, que baixo a presidencia do Sr. Alcalde-Presidente, estará constituída polos portavoces de cada Grupo Político.
- 2º) A fixación da cantidade de 30 € en concepto de indemnización pola asistencia efectiva ás reunións que dita comisión celebre.

Conforme ao disposto na Base de Execución do orzamento municipal 39, letra C, cando teña lugar a asistencia a máis de unha sesión de órgano colexiado no mesmo día, somentes se abonará o correspondente á indemnización pola asistencia a unha única sesión (a de maior contía de indemnización).

O Concello Pleno por unanimidade dos seus membros asistentes á sesión acorda aprobar a Proposta de Alcaldía anteriormente transcrita.

**15º) PROPOSTA DA ALCALDÍA SOBRE DESEMPEÑO CON DEDICACIÓN EXCLUSIVA DO CARGO DE TERCER TENENTE DE ALCALDE, E DELEGADA DE AGRICULTURA, GANDEIRIA E MONTES, CULTURA, E EDUCACION POR Dª MARIA DOLORES MEITIN GUERREIRO E DETERMINACIÓN DE RETRIBUCIÓN. ADOPCIÓN DE ACORDO.**

Por Secretaría, dáse conta da proposta da Alcaldía que se transcribe literalmente:

*De conformidade co disposto no art. 13.3 e 4 do Regulamento de Organización, Funcionamento e Réxime Xurídico das Entidades Locais de 28 de novembro de 1986, e Art. 75 da Lei 7/1985, e visto o disposto no Art. 141 da Lei Xeral da Seguridade Social, proponse ó Pleno Municipal:*

*Que o exercicio por parte da Concelleira e Segundo Tenente de Alcaldía e Delegada de Agricultura, Gandería e Montes, Educación e Cultura, Dª María Dolores Meitin Guerreiro, se desempeñe en réxime de dedicación exclusiva, por consideralo preciso para o bó servizo os veciños, fixéndose unhas retribucións brutas de 14 pagas de 2.356,58 €. (ditas pagas devengaránse mensualmente, correspondendo ós meses de xullo e decembro o abono das pagas extraordinarias) a contía das retribucións propostas axustáanse ao disposto na Disposición Adicional 90 da Lei 22/2013, de 13 de decembro.*

Obra no expediente certificación expedida polo Secretario Municipal acreditativa do cumprimento do disposto na Disposición Adicional 90 da Lei 22/2013, de 13 de decembro.

Polo Sr. López Hermida (BNG) reiterase o manifestado anteriormente no debate do punto 10ª da Orde do Día.

Rematado o debate, a Corporación por unanimidade dos seus membros asistentes á sesión acorda a aprobación da proposta da Alcaldía anteriormente transcrita.

**16º) PROPOSTA DA ALCALDÍA SOBRE DESEMPEÑO CON DEDICACIÓN PARCIAL DO CARGO DE SEGUNDA TENENTE DE ALCALDE, E DELEGADA DE SERVIZOS SOCIAIS, SANIDADE, XUVENTUDE, MULLER E POLITICAS DE IGUALDADE, POR Dª ANA ABAD LOPEZ, E DETERMINACIÓN DE RETRIBUCIÓN. ADOPCIÓN DE ACORDO.**

Por Secretaría dáse conta da proposta da Alcaldía que se transcribe literalmente:

*De conformidade co disposto no art. 13.3 e 4 do Regulamento de Organización, Funcionamento e Réxime Xurídico das Entidades Locais de 28 de novembro de 1986, e Art. 75 da Lei 7/1985, e visto o disposto no Art. 141 da Lei Xeral da Seguridade Social, proponse ó Pleno Municipal:*

*Que o exercicio por parte da Concelleira e Primeira Tenente de Alcaldía e Delegada de Servizos Sociais, Sanidade, Xuventude, Muller, e Políticas de Igualdade, Dna. Ana María Abad López se desempeñe en réxime de dedicación parcial (15 horas semanais), por consideralo preciso para o bó servizo os veciños, fixéndose unhas retribucións brutas de 14 pagas de 1.001,79€. (ditas pagas devengaránse mensualmente, correspondendo ós meses de xullo e decembro o abono das pagas extraordinarias). a contía das retribucións propostas axustáanse ao disposto na Disposición Adicional 90 da Lei 22/2013, de 13 de decembro.*

Obra no expediente certificación expedida polo Secretario Municipal acreditativa do cumprimento do disposto na Disposición Adicional 90 da Lei 22/2013, de 13 de decembro., respecto da proposta do epígrafe na que se reflicte unha dedicación parcial retibuída de 15 horas equivalente ao 40% da dedicación exclusiva.

Polo Sr. López Hermida (BNG) reiterase o manifestado anteriormente no debate do punto 10ª da Orde do Día.

Enterada, a Corporación cos votos favorables dos Sres./Sras. Salgueiro Rapa, Abad López, Meitin Guerreiro, Iglesias Guerreiro, Balseiro Canoura, e Balseiro López, e co voto en contra dos Sres. López López, López Hermida e Pernas Quelle, acorda a aprobación da proposta da Alcaldía anteriormente transcrita.



**17º) PROPOSTA DA ALCALDÍA SOBRE DESEMPEÑO CON DEDICACIÓN PARCIAL DO CARGO DE CONCELEIRA DELEGADA DE TURISMO, DEPORTES E XUVENTUDE POR Dª CRISTINA IGLESIAS GUERREIRO, E DETERMINACIÓN DE RETRIBUCIÓN. ADOPCIÓN DE ACORDO.**

Por Secretaría dáse conta da proposta da Alcaldía que se transcribe literalmente:

*De conformidade co disposto no art. 13.3 e 4 do Regulamento de Organización, Funcionamento e Réxime Xurídico das Entidades Locais de 28 de novembro de 1986, e Art. 75 da Lei 7/1985, e visto o disposto no Art. 141 da Lei Xeral da Seguridade Social, proponse ó Pleno Municipal:*

*Que o exercicio por parte da Terceira Tenente de Alcaldía e Concelleira Delegada de Turismo, Xuventude e Deportes, Dª Cristina Iglesias Guerreiro, se desempeñe en réxime de dedicación parcial (15 horas semanais), por consideralo preciso para o bó servizo os veciños, fixándose unhas retribucións brutas de 14 pagas de 1.001'79 (ditas pagas devengaránse mensualmente, correspondendo ós meses de xullo e decembro o abono das pagas extraordinarias) a contía das retribucións propostas axústanse ao disposto na Disposición Adicional 90 da Lei 22/2013, de 13 de decembro.*

Obra no expediente certificación expedida polo Secretario Municipal acreditativa do cumprimento do disposto na Disposición Adicional 90 da Lei 22/2013, de 13 de decembro., respecto da proposta do epígrafe na que se reflicte unha dedicación parcial retribuída de 15 horas equivalente ao 40% da dedicación exclusiva.

Polo Sr. López Hermida (BNG) reiterase o manifestado anteriormente no debate do punto 10ª da Orde do Día.

Enterada, a Corporación cos votos favorables dos Sres./Sras. Salgueiro Rapa, Abad López, Meitin Guerreiro, Iglesias Guerreiro, Balseiro Canoura, e Balseiro López, e co voto en contra dos Sres. López López, López Hermida e Pernas Quelle, acorda a aprobación da proposta da Alcaldía anteriormente transcrita.

E sen mais asuntos que tratar, sendo as once horas e vinte minutos, levantase a sesión, estendéndose a acta presente, de todo o que como Secretario, dou fé.

**O ALCALDE,**

**O SECRETARIO,**

Asdo: José Demetrio Salgueiro Rapa

Asdo: Luís María Fernández del Olmo